



胡迎建(江西·南昌)

咏白鹭,乃禽鸟中之隐君子也

难得翩翩水上飞,江湖满地影踪微。
风寒洲渚家何在,世少知音孰与归?
遥望雁鸿惭远志,独寻芦荻共斜晖。
休嘲长胫伶仃瘦,为避污泥溅羽衣。

张 申(陕西·韩城)

清洁工

灯火城郭未透窗,烟尘一帚扫风霜。
晨光初露人长叹,回首悄然叶落黄。

忆初钓

但借闲余学钓翁,晨光初露碧波平。
无奈夕阳空入篓,甩竿勾住满天星。

许昭华(香港)

修竹十咏(录二)

竹溪六逸

碧玉千竿云岫低,葳蕤芳野唱黄鹂。
岚烟袅袅萦东岳,涧水潺潺吻柳堤。
交错举觞时渐午,竞相吟赋日偏西。
纵情骀荡林阴处,余韵华章誉竹溪。
注:竹溪六逸:李白曾迁居东鲁,与名士孔巢父等六友隐居徂徕山竹溪,人称“竹溪六逸”。

不改清阴

何堪柳败复花残,疏雨凄风无尽端。
留得籁音随暮色,权将孤影对芳兰。
离丛尚可期茎茁,抱节何妨共岁寒。
不改清阴时我待,冰姿犹自凤凰看。
注:唐刘长卿《晚春归山居题窗前竹》诗有“不改清阴待我归”句。

杨 东(福建·宁德)

夏云

泼墨诗情泛满天,和烟画意写峰前。
浓霞絮出凤凰岭,淡雾萦回白鹤巅。

吹送楝花风漾漾，洒来梅子雨涟涟。
幽香石枕钩心绪，鸣鸟深林人自眠。

端午

浣花过后日熏熏，解粽筵开忆楚文。
百舸争流擂鼓远，一江微雨洗天勤。
风生袖底清凝水，人立溪边淡映云。
骚唱千年尊气节，幽兰香草是诗君。

周世鼎(江苏·淮安)

蚂蚁赞

谁言蚂蚁小东西？众志能将泰岳移。
义胆忠肝尚团结，细腰纤足贵坚持。
齐心协力目标定，万马千军步调齐。
十亿中华承此志，列强岂敢每相欺？

詹彩梅(广东·饶平)

鹊踏枝

又是潇潇梅子雨，一任幽寒，零
落花无数。时复蛙声催日暮，可知多
少归人误？小碧阑干难觅句，独
自屏前，惆怅无从语。触手风温春欲
去，春心不在春深处。

王跃农(甘肃·甘州)

鹧鸪天·骆驼

昂首前行傲不群，餐沙吮雪抖精
神。一身瘦骨驼天地，万里荒原闯古

今。眠寂寞，枕风尘，披星戴月梦
怀春。征途漫漫驼铃远，健步歌吟大
漠魂。

耕牛叹

步健槽边嚼日月，身闲圈舍卧秋春。
一从下岗心神乱，愧负千年垄上魂。

赵元席(安徽·宿州)

故乡情

其一

梦绕魂牵故里游，乡音陈酒醉心头。
儿时放牧叉鱼处，坡盖高楼水断流。

其二

老屋沧桑不计年，总将游子梦魂牵。
惊心最是庭中树，呼我乳名摩我肩。

路孟臣(山东·聊城)


春雨

檐溜敲钟磬，侵晨犹未停。
窗含南浦绿，云衬远山青。
新竹怜芳草，金鳞啜细萍。
书斋无甚事，悬腕写黄庭。

来根友(浙江·嘉兴)

无题二律(录一)

犹记崔郎小扣扉，桃花相映抱春微。



岂看马迹思红豆，未染蛛尘舞翠衣。
文字交淳虽亦有，屏缘事笃向应稀。
时轮不止驹过隙，欲伴此生情恐违。

张耀斌(四川·泸州)

蝶恋花·梦故乡

故里几回魂梦绕，漫步南山，举目群山小。竹锁曲溪蜒古道，雾消翠黛烟波渺。犹忆呼朋嬉雏鸟，隐约丛中，蛐蛐箫声妙。乍醒蜗居蛰正闹，一轮明月当空照。

邱鹏飞(四川·安县)

清泉出山

凌空白练挂崖间，穿洞击石步履艰。
莫道山中歧路险，崎岖历尽汇江川。

张彦(吉林·农安)

访杏

遥知春梦恋荒沙，醉里摇情一抹霞。
蝶影去来无限意，逐香我也到天涯。

王雄军(湖北·崇阳)

咏桃花

风翻玉蕊弄馨香，尽挂红灯寓意长。
醉客春行花似海，万枝点亮遍山乡。

师红儒(山西·朔州)

喝火令

绰约阶边木，凝愁别后浓。替谁新瘦一枝红。堪恼柳烟花色，难改去年容。笔下无心物，思成不语中。肯将词托月朦胧。拂乱莺声，拂乱旧情衷。拂乱一池波皱，识得这春风。

范裕基(山东·青岛)

消夏

小坐胡床纳晚凉，荷塘新月柳牵香。
爷们老少无余事，闲侃趣闻论短长。

春色

一川烟雨压云低，篱外谁家翠鸟啼。
近水楼台春色好，湖光出岫入桃溪。

郑德希(浙江·临安)

访师

庭院豆苗依海棠，琉璃小屋沐曦阳。
僻村老叟谁人识？淡墨题诗挂满墙。

王兰臣(吉林·农安)

杏花漫咏(录二)

杏蕊深闺半掩羞，风牵柳扯下云楼。
繁花一荡飘无主，微雨如纱蝶梦柔。

点缀烟村数杏花，晓风霏雨泛流霞。
柳莺啼处游人醉，最是陶公羨我家。

王旭(内蒙古·通辽)

卜算子·春雪融后感

昨夜雪纷纷，大地铺新玉。一任东风跃柳梢，打扫冬痕迹。转眼日三竿，雪化仙人去。道是春光不肯眠，旷野悄悄绿。

潘保根(安徽·芜湖)

思母

难解春愁思故乡，情怀又在个中伤。
常啼肚饿缘无米，不怕天灾因有娘。
终日田间从稼事，三更灯下补衣裳。
儿时记忆最深处，小路弯弯牵梦长。

高怀柱(山东·莘县)

鹧鸪天·春日即事

最喜村原踏落花，朝阳漫步沐烟霞。
徘徊陌上迷飞燕，徜徉溪头问种瓜。
云散锦，雾披纱，田园处处景光佳。
好吟爱写农家事，韵借风中阵阵蛙。

二月

微雨江村二月初，草芽新露润如酥。
铁牛几处轻烟里，十里展开耕种图。

唐敏(贵州·纳雍)

卜算子·听人推销竹炭偶作

可把细菌除，可把尘灰赶。净化功能如此强，且去官场贩！防止蛀虫生，防止心肠烂。让那官风政气纯，遂了黎民愿。

虞舜华(浙江·杭州)

思母

春寒幽独夜，默默忆娘心。
冰膝睡亲榻，玉浆醒便斟。
含辛抚小草，茹苦化甘霖。
晌伏恩长在，思之泪满襟。

向国庆(湖南·慈利)


咏桂花树

自幼移植院四周，餐风饮露罕知愁。
花开八月醇如麝，色秀终年翠欲流。
二垄弱苗些许汗，一株成树五头牛。
田间处处扬金粟，半是欢欣半是忧。

张金娥(浙江·临安)

破阵子·卢沟桥

晓月雄狮静语，卢沟世纪安详。
强盗欲吞华夏地，枪炮轰开血肉墙。
屠杀八载长。伤痛刺心入骨，铁鹰睁目威扬。
钓岛风云狼子胆，亚太



“安全”霸王狂。欺人必自亡。

陈宗辉(福建·尤溪)

乡思

横山岭下朝阳地,萧飒村中蓬草生。
一地蛙声云外落,几弯犁镜月边耕。
开窗鸟唱三春画,出户花开九族情。
最是悠悠东去水,重山总向梦中迎。

张海燕(浙江·余姚)

空调

逐暑下楼阁,驱寒到比邻。
原无高远志,只管一家春。

端午前一日步韵求能先生

最是骚人感慨多,千年风雨入吟哦。
梦中犹惜莫干剑,天外空劳日月梭。
百尺高楼难障眼,一时好景懒横波。
已知自缚亦如茧,丝尽为谁添绮罗。

赖竹林(江西·寻乌)

春日偶成

桐花堆雪柳笼烟,闲倚栏杆一怅然。
忆得故乡微雨里,青山无处不闻鹃。

点绛唇·怀远

暮倚楼台,无言镇日空思念。莺声娇软,谁道春犹浅?乍雨还

晴,似觉韶光换。天涯远,深情难遣,何日重相见?

陈荣权(湖北·当阳)

春咏

昨夜桃花才破蕾,今晨双燕筑巢来。
漫教霖雨梭烟柳,尽得晴光照砚台。
半世粗疏随梦幻,几杯淡泊任鸿裁。
人如飞絮迎风舞,韵态翩翩袖拂埃。

许奕松(浙江·衢州)

入住宁波新居

欣承儿婿孝双亲,助筑新巢栖老身。
近水远山诚可赞,朝霞夕照更堪珍。
难忘征旅几多坎,喜度人生第二春。
犹盼九州同“两富”,小康共享乐天伦。

高 卓(浙江·杭州)

喜晴

久雨见晴晖,花残蝶乱飞。
农民忙夏种,子弟试春闱。
穿柳莺娇啭,巢梁燕晚归。
老妻兴早起,洗晒一冬衣。

访衙前项漾村

震铄威灵在,崇祠祭礼同。
沉舟承祖志,修谱述家风。
财富殷胞族,安居乐媪翁。

子孙真不俗,重起大江东!

注:项漾村聚居项姓几百家,传为项羽后裔。现发展企业经济称雄当地。

黄政海(湖南·长沙)

桑榆漫兴

冠盖亲朋笑语临,尊盈情愫剑南春。
影投八十风霜雪,笔绘三千松菊筠。
绿发曹痴轻入彀,耄年安适匪为贫。
欣逢煦暖寒流尽,拙翰长挥唱凤麟。

注:相传孔子有《获麟歌》,曰:“唐虞世兮麟凤游。”

朱龙祥(云南·昆明)

城中村

春风一夜绿中华,遍地新楼遍地花。
今日南归农舍燕,犹如误入王谢家。

黄 海(广东·深圳)

夜游珠江

同窗相聚乐陶陶,也作青春踏浪潮。
往事迷蒙如夜色,旧情浪漫似歌谣。
满怀星宿天河现,两岸琼楼光影摇。
数码相机茄子笑,身材谁比小蛮腰?
注释:“小蛮腰”,中国第一高塔广州电视塔。

回家乡观音山(录一)

云淡山高七彩霞,春风捷足到农家。

柴扉半锁林间路,桃李盈溪镜里花。
煮笋烧鱼三碗饭,谈天说地一壶茶。
从今应解刘郎意,归作田畴饭牛娃。

安全东(四川·成都)

岭上

群嶂旋如马,双溪稳趁舟。
风清来岭表,鸟疾上云头。
野甸岚烟润,青春草木稠。
欲将穷物理,万汇一眸收。

山居

石骨苍苔润,烟萝瘴不开。
碧遮蓬屋暗,白度好云来。
竹径闻禽语,山花落酒杯。
还欣无赋税,耕稼信悠哉。

刊误更正

本刊2013年第2期(总第73期)因校对不慎,几处差错,特更正如下:

1、改版前言末行,“壬辰之春”应作“癸巳之春”,发现后用改错章覆盖,但已有少量未改外发的。

2、P15,谢秀臣诗《孙女趣》第4句“倾刻”应为“顷刻”。P22,孔汝煌《清明柯岩双亲坟前二阕》前脱漏词牌名《踏莎行》;第二阕上片末句,“依山面山”应作“依山面水”。P51,胡显章《沈园有感两首》注2所引陆游句“雪夜”应作“夜雪”。

3、封底书法右为苏轼诗书局部,左为乾隆卷后题跋。

十分感谢杨叔子等先生电话指出。

本刊编辑部

2013年6月

